

ZAPISNIK SA 13. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 30.06.2020. GODINE

Prisutni: D. Smital; Dž. Kahrica; E. Čengić; E. Fočo; D. Miljević; M. Baručija; O. Bukić; S. Kavazović;
N. Arnautović; M. K. Pašalić; E. Agić; M. Grbo; S. Gadžo; R. Kukić

Odsutni: N. Tadić; J. Sogović; M. Herac - **opravdano**

Dnevni red:

1. Zapisnik sa 12 sjednice
2. Aktuelna situacija u BHRT-u
3. Finansije
 - Izvještaj blagajnika (D. Karšić)
 - Odluka o poklon bonu za članove
4. Ugovori
 - Adriatic
5. Pomoć
 - Podjela pomoći (M. Herac, M. Baručija, R. Kukić)
 - Izmjena Pravilnika o pomoći
6. Razno

AD 1. D. Smital je na osnovu člana 35. Statuta Samostalnog sindikata radnika u BHRT-u, otvorio 13. sjednicu UO SSR u BHRT-u u 12.37 sati. Dnevni red je jednoglasno usvojen. Zapisnik sa 12 sjednice UO sindikata je usvojen sa 13 glasova za i 1 suzdržanim.

AD 2. D. Smital je informisao UO da je od generalnog direktora tražio održavanje sastanka sa rukovodstvom sindikata prije plate. Direktor je smatrao da nema potrebe za održavanjem sastanka i rekao da će informisati sindikat o isplati plate što je i uradio.

M. Kurtović Pašalić je istakla da se od 01. jula uvodi ponovno rad u timovima iako je ukinuto vanredno stanje i naglasila da su uposlenici dobili nezvaničnu informaciju da će se odbijati dan godišnjeg za ljude koji rade u timovima. Postavila je pitanje ima li menadžment pravni osnov za to. D. Smital je istakao da se po zakonu godišnji odmor može koristiti u dva djela po rješenju i da menadžment ne može na takav način odbijati dane godišnjeg odmora.

Nakon kraće rasprave u kojoj su učestvovali S. Gadžo, D. Miljević, N. Arnautović, M. Kurtović Pašalić, O. Bukić UO Sindikata je usvojio jednoglasno zaključak da sindikat od menadžment traži opravdanost odluke ponovnog rada u timovima, korištenje godišnjih odmora u skladu sa zakonom i obezbjeđivanje stimulacije za sve radnike koji rade puno radno vrijeme, kao i da se od menadžmenta traži sastanak po pitanjima iz ovog zaključka. Ukoliko menadžment ne prihvati sastanak, UO je jednoglasno donio zaključak da se menadžmentu putem e-maila postavi pitanje vezano za rad u timovima, nakon dobijenog odgovora obave konsultacije sa advokatom, a nakon toga u pisanoj formi menadžmentu dostave zahtjevi sindikata.

E. Čengić je predložio da se pripremi i ponovno pošalje upit o svim prijedlozima i reakcijama sindikata u proteklom periodu koje je sindikat predložio i poslao menadžmentu a za koje nije nikada dobio nikakav odgovor. Istakao je da je u proteklom periodu značajne inicijative sindikat uputio u vezi prava radnika i da se po tim pitanjima menadžment jednostavno ogлуšio.

UO Sindikata je jednoglasno usvojio da se pripremi do sljedeće sjednice šta je sve sindikat tražio i da se dostavi menadžmentu. S. Gadžo je u toku sjednice dobio odluku menadžmenta o ponovnom radu u timovima i o tome informisao UO, nakon čega je D. Smital pokušao odmah dogovoriti sastanak sa generalnim direktorom sa cijelim UO, međutim generalni direktor nije bio u mogućnosti doći, pa je dogovoreno da će se sastanak održati u narednih nekoliko dana. UO je jednoglasno usvojio zaključak da na sastanak sa menadžmentom pored rukovodstva prisustvuju i M. Kurtović Pašalić, R. Kukić, E. Fočo i E. Agić.

AD 3. Blagajnički izvještaji D. Karšić za maj 2020. godine su primljeni k znanju.

D. Smital je izvjestio sindikat da su u skladu sa zaključkom sa posljednje sjednice Dž. Kahrica i E. Čengić dobili ponude za poklon bonove od tržišnih centara. Popust na bonove su ponudili DM 10%, Konzum 2%, Merlator 2% i Bingo bez popusta. Neadekvatnim ponudama UO je jednoglasno proglasio ponude Binga (bez popusta) i Merkatora (manji broj prodajnih objekata i nesigurnost da li je ista firma na području BiH).

UO je glasao za ponudu Konzuma sa 13 za i 1 protiv, dok je za ponudu DM-a glasalo 1 za, 13 protiv.

UO je usvojio odluku o ukupnom utrošku sredstava od 19.600 KM kojom se zadužuje Dž. Kahrica za preuzimanje i predaju bonova Konzuma izvršnom sekretaru. Zadužuje se izvršni sekretar da podjeli bonove po podružnicama uz ažurirane spiskove članova podružnica. Zadužuju se povjerenici podružnica da podjele bonove članovima. Preostali bonovi se dodjeljuju komisiji za pomoć u svrhu dodjele pomoći za rođenje djeteta. Zadužuje se izvršni sekretar da na sljedećoj sjednici UO dostavi izvještaj o izvršenju odluke. Pravo na poklon bon imaju svi koji su se učlanili u sindikat do 30.06.2020. godine.

AD 4. Izvještaj M. Herac za je primljen k znanju. Obzirom da je M. Herac na bolovanju, svi oni koji imaju potrebu za registracijom vozila, trebaju kontaktirati povjerenika koji će uz dogovor sa M. Herac realizovati registraciju.

AD 5. Komisija za dodjelu finansijske pomoći (M. Herac, R. Kukić, M. Baručija) predložila je da novčanu pomoć za mjesec juni dobiju sljedeći članovi: Meliha Selimbegović 150KM (III dio), Adnan Kurtović 200KM (I dio), Kadira Solak 200KM, Enver Suša 200KM, Vehid Pleh 150KM. Ukupno 900,00 KM. Prijedlog komisije je jednoglasno usvojen.

UO sindikata je dobio prijedloge izmjena pravilnika o dodjeli finansijske pomoći od E.Čengića, D.Miljevića, D.Smitala kao i mišljenje Komisije za dodjelu pomoći.

Nakon kraće rasprave i objašnjenja prijedloga, UO je usvojio prijedloge :

- E.Čengića / Član 5. mijenja se i glasi: Prioritet u dodjeli novčane pomoći imaju članovi Sindikata za bolest koja im ugrožava život i koji prvi put podnose zahtjeve (jednoglasno).
- D.Smitala uz korekciju Komisije / Član 8, alineja 2, mijenja se i glasi: Djeca do 25 godine, ukoliko dostave potvrdu o školovanju ili potvrdu o nezaposlenosti i dokaz nadležne medicinske službe da dijete starije od 18 godina nije sposobno samostalno da se brine o sebi (jednoglasno).
- E.Čengića / Član 9. alineja 4 mijenja se i glasi: Komisija ima pravo odbiti i ne prihvatiti zahtjeve članova sindikata definisanim čl.5 i čl.8 Pravilnika (jednoglasno).
- E.Čengića / Član 9. alineja 5 mijenja se i glasi: Komisija ima obavezu u slučaju potrebe konsultovati doktora porodične medicine u RTV Domu a u vezi zdravstvenog stanja člana sindikata koji se obratio sindikatu sa zahtjevom za novčanu pomoć (7 za, 6 protiv, 1 nije glasao).
- Komisije uz korekciju D.Smitala i Dž.Kahrice / Član 9. alineja 2 mijenja se i glasi: U izuzetnim slučajevima Upravni odbor, na prijedlog komisije, može odlučiti i o dodjeli većeg iznosa , najviše 2 puta u godini, u maksimalnom ukupnom iznosu do 1500,00KM (12 za, 2 protiv).

UO Sindikata nije usvojio prijedloge:

- E.Čengića / Član 5. mijenja se i glasi: Zahtjev za pomoć ne mogu podnositi članovi više puta za iste bolesti osim u slučajevima oboljenja kojima su ugroženi njihovi životi i umanjena njihova radna sposobnost (5 za, 8 protiv, 1 suzdržan).
- D.Miljevića / Član 9 mijenja i glasi: U slučaju smrti člana uže porodice, članu SSR u BHRT-u se isplaćuje jednokratna finansijska pomoć u iznosu od 500,00 KM. Članom uže porodice se smatraju, bračni drug, roditelji, djeca i unučad bez roditelja (4 za, 7 protiv, 3 suzdržan).
- E.Čengića / Član 9. alineja 3 mijenja se i glasi: Poklon paket baby opreme članovima Sindikata se dodjeljuje za rođenje djeteta u iznosu do 300,00 KM, a potrebno je dostaviti Rodni list djeteta ili otpusno pismo iz bolnice (4 za, 7 protiv, 3 suzdržan)
- E.Čengića / Član 11. mijenja se i glasi: Novčana pomoć članovima Sindikata dodjeljuje se i za nabavku potrebnih lijekova na osnovu izdatih recepata ordinirajućeg ljekara ili ljekara specijaliste ne starije od godinu dana, a koje član Sindikata koristi kao jednokratnu terapiju ili kao terapiju tokom kalendarske godine kao i za usluge liječenja i pregleda u državnim zdravstvenim ustanovama i to 60% od plaćenog iznosa, a maksimalno 400,00 KM. Za ovu vrstu novčane pomoći neophodno je priložiti originalne račune za plaćene lijekove koji nisu na esencijalnoj listi, odnosno za plaćene usluge liječenja i pregleda u državnim zdravstvenim ustanovama (1 za, 11 protiv, 2 suzdržan).

UO je jednoglasno usvojio novi Pravilnik o finansijskoj pomoći za članove sindikata koji stupa na snagu 1. jula 2020.

13. sjednica UO sindikata je završena u 14.40 sat

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital